

BIFO long wan Sunami...

- Yu mas save about ol sunami. Save ia bae hemi save seven laef blo you!
- Serem save wetem ol fren mo family. Bae I save sevem laef blong olgeta tu!
- You mas save wea ples we yu wok, lif or skul long hem mo wea ples nao bae yu save ron iko long hem blong yu sef long taem blong wan tsunami.
- Folem advaes blong Department of Meteorology and Geo-hazards wetem NDMO or Police. Yu no mas kam bak kolosap long solwota kasem we oli talem se hemi sef.
- Yu stap long we long ol ples we I gat bigfala wota. Sapos yu stap kolosap long solwota afta yu filim graon I seksek strong, yu mas mov kwik taem iko lo ples we I hae mo! Yu no wet blo wan woning I kam out. Yu no mas stap kolosap long ol river or creek we I ron iko long solwota from se pul blon wave blong sunami long ol ples olsem hemi strong mo ikat bigfala denja long ol ples olsem!



LONG TAEM blong Sunami:

Yu no mas stap long open ples. Yu tekem shelter long wan sef ples. Sapos yu live long wan area we hemi no sef long taem blong sunami, yu wetem everi family blong yu I mas aot kwik time long house blong yufala. Yufala I no mas panik or ron kranke be yufala I wokbaot stret mo kwik iko long ples we oli makem finis se hemi sef long taem blong tsunami. Sapos yu stap long skul afta yu harem wan woning blong sunami, yu mas folem advaes blong tija or prinsipol blo yu. Sapos yu ino gat inaf taem blo bae u mov iko long wan sef ples we I hae, yu save ko long top flo blong building we yu stap long hem. Yu mas mek sua se bilding ia tu hemi strong inaf blong fesem tsunami.



Wan bigfala wave blong sunami I save travel long spid blong 15 mita long 1 seken!



Project ia hemi funded by NZAID mo Vanuatu Meteorology and Geo-hazard Dipatment nao I implementem. Blong kasem mo information, visitim Vanuatu Geo-hazards Website long : www.geohazards.gov.vu or email long : geohazards@meteo.gov.vu


Sunami hemi NO wan pleple blong man I wajem!!



Neva stanap long so blong wajem wan sunami we hemi stap kam kolosap!




Yu no save ron bitim wan tsunami taem we I kasem so finis!





Sunami . . .

- Hemi save travel long spid blong wan jet plen long dip solwota be ol wev oli no hae tumas, sapos yu stap long sip bae yu no sav filim save tu. Taem ol tsunami oli hitim kap kolosap long so, oli slo daon mo hae blo ol wev ikam bigwan moa.
- Oli save hae kasem 10m, mo oli save kilim ol samting wetem bigfala fos, mo wota I save kavremap ol areas we oli no hae.
- Hemi save putum laef mo propeti blo u lo denja



SUNAMI INFOMESEN

Sunami hemi wan Japanis toktok:

SU – hemi minim ‘harbor’

NAMI – hemi minim ‘wev’


Samtime ol man oli kolem ‘taedol wev’ be nem ia I save confusum ol man from se taedol wev hemi no semak long Sunami. Ol taedol wev, pull blo mun I mekem olgeta be sunami etkwek nao I mekem olgeta..

Sunami . . .

- Hemi sam bigfala mo longfala wev we oli kam long dip solwota mo oli folem olgeta I kasem so. Oli no ol wev we man I save ski long hem.
- Oli save tekem fulap hour blong oli stap kam so. Ol wev we oli stap kam bihaen oli save bikwan bitim fes wan.
- Taem we graon I seksek mo I brok undanit long solwota, I mekem tsunami.
- Taem we graon hemi seksek strong mekem se yu no save stanap, mo yu stap long sanbij klosap long solwota, hemi ia hemi wan woning se wan tsunami I happen mo I save stap travel ikam long so finis.
- Bifo wan sunami I kam, bae yu luk solwota I drae, ol rif oli stap long klia ples mo tu ol fis. Bae yu save harem wan noise olsem wan bigfala plen, taem we sunami I stap resis I kam long so.



Hao nao Sunami i happen:



Wan sunami long Banda Aceh long 26 December 2004 hemi travel fulap hundred mita mo i kilim ova long 100,000 man long Indonesia.